

Եւ յետ այնորիկ ըստ մտաց Կայսերական հրովարտակաց եւ վաւերական գրոց դատարանի, որք ընթերցան յայնժամ յառննի բազմութեան այլազգեաց, տուաւ հանրագրութիւն սակս խարէյութեան Յունաց՝ և ՚ի հաստատութիւն սեփականութեանց Հայոց: Դառնացեալ յոյժ ընդ այս Կեսարիոսի Փոխանորդին, Ճէնաթի՝ Թարգմանին՝ և Թէոդոսի Քարտուղարին, Կոչեցին ՂԱրաբացի Ֆէլահս Պէյթճաւա գիւղին, որք էին կրօնակից ինքեանց, և գրգռուեալ յարուցին զնոսա ՚ի վերայ ազգին Հայոց, և պատուէր ետուն նոցա երթալ ՚ի գիշերի խորտակել զդուռն Սուրբ Փրկչի վանաց՝ աալ յաւարի զինչս նորա՝ եւ կոտորել ՚ի բերան սրոյ զմիաբանսն որ ՚ի նմա:

Առեալ զայս խրատ գիւղակիանաց՝ եկին շարունակ զերկուս և զերիս գիշերս ՚ի դուռն վանաց, այլ ոչ կարացին որ և իցէ հնարիւք խորտակել և կամ խախտել զերկաթի դուռն և մտանել ՚ի ներքս: դառնացեալ ճոցս ընդ այս կատաղութեամբ, սկսան արձակել զհրացանս, եւ ձգել զմեծամեծ քարինս ՚ի ներքս: Լուեալ բնակչաց քաղաքին զազմուկս նոցին և զլղրղումն խաթամուժ ամբոխին՝ զարհուրեցան յոյժ, և շփոթեալ աղաղակէին թէ պաշարեցաւ քաղաքն ՚ի թշնամեաց: Լուեալ քաղաքապետին և Եէնիչէրի ազասին, բացին ՚ի գիշերի զդուռն քաղաքին, և ելին բազմութեամբ զօրաց արտաքս, և յարձակեցան ՚ի վերայ ապստամբաց, այլ ոչ կարացին ըմբռնել զորք ՚ի նոցանէ: զի դարձուցին նոքա զգէնս իւրեանց ՚ի զօրն և ՚ի պարիսպ քաղաքին, և այսպէս խոյս տուեալ աներեւութացան անտի: Եղան այնուհետեւ սրահապան զօրք ՚ի պարիսպն ՚ի զգուշանալ քաղաքին, եւ զկնի աւուրց ըմբռնեցան յապստամբաց անտի ողիք և և եղան կապանօք ՚ի բանտի: և ՚ի ձաղկել զնոսա ՚ի հրապարակի, խոստովան եղին թէ թելադրութեամբ գլխաւորացն Յունաց արարեալ իցեն զայն: Եւ յետ արձակելոյ ՚ի կապանաց, չոքան առ մեծամեծս այլազգեաց եւ գանկատանօք շարախօս եղեն զազգէն իւրեանց, թէ գրգռեալ զմեզ արկին ՚ի վրտանդ մահու, այժմ յերեսս իսկ հայիլ ոչ կամին: Եւ յետ կատարելոյ զքննութիւնս զայս, միաբանք Հայոց խնդրեցին ՚ի դատաւորէն զայս ամենայն անցս ծանուցանել ՚ի